

На стиховне стихиры, глас 5: Подобен: Радуйся:

Радуется нѣбо и землѣ,/ нѣбо умное грядущее зряще,/ в Божественный дом воспитатися чѣстно,/ Деву едину и непорѣчную,/ к Нейже дивяся Захариа вопияше,/ двѣре Господня, храма отверзаю Тебе двѣри,/ радующихся в нѣм ликовствуй:/ познах бо и вѣровах,/ яко уже избавление придет проявленно Израїлево,/ и родится из Тебе Бог Слово, // даруй миру велию милость.

Стих: Приведутся Царю девы в слѣд Ея:/ искренния Ея приведутся Тебе.

Анна Божественная благодать яве, от благодати данную Чистую Приснодеву приводит с веселием в храм Божий, призвавши ити пред Нею отроковицам свечи носящим, и глаголющи: пойдѣ Чадѣ, Давшему Тя буди возложение, и благовонный фимиам. Вниди в невходимая, и увещай тайны, и уготовися быти Иисусово вместилище веселое и красное, подающаго миру велию милость.

Стих: Приведутся в веселии и радовании,/ введутся в храм Царев.

Внутрь в храм Божий, Боговместимый храм возлагается Дева Всесвятая, и отроковицы Ей ныне свечи носяще предходят. Играет родителей сопряжение изрядное, Иоаким же и Анна ликовствующе, яко родиша Творца Рождшую, Яже ликовствующи в Божественных скиниях, и питаема рукою ангеловою Всенепорочная, Христа явися Мати, подающаго миру велию милость.

Слава, и ныне, глас 6. [Сергия Агиополита:]

Днесь собори верных сошедшеся, духовне да торжествуем,/ и Богоотроковицу Деву и Богородицу, в храм Господень приводиму,/ благочестно восхвалим: предызбранну от всех родов,/ во обителище всех Царя Христа и Бога:/ девы свечи носяще предидите,/ Приснодевы чтущее честное происхождение:/ матери печаль всю отложивше,/ радостно споследуйте Матери Бога бывающей,/ и радости мира ходатаице./ Все убо радостно, еже радуйся, со ангелом возопиим Обрадованней, // присно молящейся о душах наших.

На благословении хлебов, тропарь, глас 4:

Днесь благоволения Божия предображение,/ и человеков спасения проповѣдание,/ в храме Божии ясно Дева являється,/ и Христа всем предвозвещает./ Той и мы велегласно возопиим:/ радуйся смотрѣния // Зиждителява исполнѣние. **Трижды.**